



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

LXXXI. Mehrere Bürger zu Frankfurt und der Vorsteher der Armen zu St. Marien-Magdalenen daselbst verkaufen den Karthäusern einen Theil ihrer Pächte aus der Trettinschen Mühle, am 13. Mai 1467.

Nutzungsbedingungen

[urn:nbn:de:hbz:466:1-55508](https://nbn-resolving.org/urn:nbn:de:hbz:466:1-55508)

Am mittwochen Nach den hilgen palm fontage, Nach gots geburth Dawsent virhundert vnd darnach im sebben vnd sechzigsten iaren.

Nach dem Copialbuche des Carthäuser-Klosters, No. 37.

Die Lücken sind in dem auf diesen Stellen verloschenen Copialbuche nicht mehr auszufüllen.

LXXXI. Mehrere Bürger zu Frankfurt und der Vorsteher der Armen zu St. Marien-Magdalenen daselbst verkaufen den Carthäusern einen Theil ihrer Pächte aus der Trettinischen Mühle, am 13. Mai 1467.

Vor allen, die dessen offen brif sehn adder horen lezen, Bekenne ich Nielaus bam vor mich vnd meyne bruder, her peter bam, vnd meyne rechten lehnern, das ich mich habe recht vnd reddelich vortragen myt den andechtigen herrn, den Carthusern, gelegen vor franckenforde an der Oder, Also neemlich, das ich een habe verlasen vnd zugegeben, verlasse vnd zeugebe funf yar lanck zcu rechen an vom Dato des briefs das vierde teyl meyns pachtcs uf der grossen möle by Drettin vnd ich Tyle blesse, burger vnd Rathman zcu franckenforde, Bekenne vor mich vnd meyne rechten erben, das ich mich habe vortragen recht vnd reddelich myt den Andechtigen veteren vnd brudern, den Carthewfern vorgnant vnd habe een verlasen V yar lanck das dritte teyl meyns pachtcs vf derselbigen moelen. Och wyr volprecht vnd hans starkow, der armen czu sunte marie magdalenen vorstender, gesatzt von den Ersamen Rathe zcu franckenforde, Bekennen vor vns vnd vnsern nachkomen vorsteender darfelbist, das wyr vns haben vortraghen recht vnd reddelich von der armen wegen vorgenant myt den meergenanten Carthewfern vnd haben en vorlasen V yar lanck das dritte teyl der pechte vf der gnanten moelen. Vnd ich meyster Nickel luben, Burger zcu franckenforde, Bekenne vor mich vnd meyne rechten erben, das ich mich recht vnd reddelich habe vortraghen myt den egnanten Carthusern vnd habe en verlosen V yar lanck das dritte teyl meys pachtcs vf der vorgnanten moelen, Also bescheyden, das dy andechtigen veteren vnd brudere derselbigen mole mechtig fullen sein czu bouwen vnd czu verkoufen nach iren besten, wen sye wollen. So gelobe wyr alle vorgeschreben In samenther hanth in dessem brife vor vns vnd vnser rechte erben adder nachkomen, besitzer der pechte adder vorwezere, vor alle ansproche, dy uf dy mole komen mochte, den werdigen vnd andechtigen herrn Carthusern vorgnant rechte gewere zcu seyn, wen een des behuf vnd not wert seyn. Och fullen dy Carthuser des macht haben, Wem sye dy mole verkouffen, sulche were meth zcu globen vnd in dissem yar als dato des briefs vsweyset. Czwisehen hyr vnd sunte michel fullen dy Carthewfer myt keynen pechten besweret seyn, sunder na sunte michel nehest zcu komen, fullen sye geben uf weynachten ein yderman vorgeschreben nach seynen anteyl funf yar lanck als vorberurt is vnd darnach fullen dy Carthuser edder wer dy moele besiczet ein yderman seyne fulle pechte geben, Als von alders gewest is, Alse besundern Nielaus bam czwe winspil lehenpacht alle yar, Tyle blesse XXVII schefel yerlich, den armen czu sunte Marie magdalen XIII schefel, Meister nickel luben II winspil: vnd ys dy Cartheofer dy mole

worden verkouffin, so geboret yn yerlich drey winspil ane H scheffel. Hiran vnd obir seyn gewest dy Erfamen vnd weyzen Peter rakow, Borgermeister zcu frankenforde an eim teile vnd Gorge belkow, rathmann in derselbigen statt von der Carthuser wegen am andern teyl. etc. — Datum na crift gebort vierzenhundert yar vnd darnach im LXVII yare, am mittewoch vor penthecoften.

Nach dem Copialbuche des Carthäuser-Klosters, No. 61.

LXXXII. Der Johanniterordens-Gebietiger Liborius von Schlieffen gestattet dem Bürger Claus Golmer zu Frankfurt eine Verpfändung an Paul Sesselmann, Hauptmann zu Lebus, am 16. November 1467.

Wir Bruder liborius van Slieven, ordens sant Johans des heyligen hawfses des hospitals czu Jerusalem In der marken, In Sachsen, wendlandt vnd pomern meyster vnd gemeyner gebietiger, Bekennen ouffentlich mit dissem brieff vor vns, vnsern orden vnd nachkómen Allermeniglich, die In sehen adder horen lesen, das vor vns gekomen ist der vorsichtige vnser liber getrawer Claws golmer, Bvrger zu frankenfordt an der oder, vnd hat vns erzalt, wy er durch manchfeldige anlegende nothe dem Ernsten vnd weyssen vnserm liben besundern Paulo Sesselman, houbtman zu lubus, dreytzehen reynische golden Jerlichs czinsses ouff Epiphanie domini alle Jar ierlich zu betzalen vor dreyssig vnd hundert reynische golden In vnd ouff seynen guttern vnd legenden grunden, Nemlich ouff seynen Ekhawse vnd erbe, do er Inne wonet zu frankenfordt In der oderstrolle tzwischen volprechts vnd lorentz bottechers vnd ouff seynen molen, dye berckholtze mole gnant, czwischen der letzen vnd falkenhagen In vnser ordens eygenthum gelegen, recht vnd redelich vorfatzet vnd ouff eynen rechten widderkouff als widderkouffs weyße vnd gewonheit ist vorkoufft hette, Also bescheyden, ob der obgemelte Paulus Sesselman adder syne erben solch obgnante summe houbtstul vnd czinsses an des egedachten Claws golmers Ekhawse vnd erbe, zu frankenfordt gelegen, nicht gantz muchte bekommen, das er sich denn an dy vorgnannte mole halden vnd seynen schaden vnd gebroch dorann Irholden muchte, Alsee das klerlichs In der Scheppenbuch zu frankenfordt, als er sprach, geschriben vnd awfgedruckt were, vnd hat vns vorbals mit fleyße demutiglich gebeten, wy em solchs der Berckholzen molen halben czu gunnen vnd irlouben geruchten. Solche des obgnanten Claws golmers fleyßige vnd demutige bethe, getrawe vnd willige dinste, ouch seyne anlegenden nothe wyr angesehen vnd Irkanth habenn vnd Im dorvmb gegunth vnd irloubt, gunnen vnd irlouben Im ouch eyn solchs vnd geben dor zu vnser willen vnd volborth. In krafft vnd macht disses briffes, Also das der vorgemelte Paulus Sesselman adder seyne erben, ab Im gebroch wurde seyn an der ehegedachten summen houbtstules vnd Jerlichs czinsses, das er dy ouff dem vorberurten Claws golmers erbe vnd Eckhawfs, zu frankenfordt gelegen, nicht mochte bekommen, sich an dy vorgnannte Berckholtze mole halden vnd seyns schaden, so vil Im von rechte daran beheren mag, dirholen moge, vnsern Jerlichen pechten, dy wir vnd vnser orden